



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno CCCXIV. ad annum CCCXLVI.

Parisiis, 1644

De non ordinando simoniace. Capvt XLIX.

urn:nbn:de:hbz:466:1-15072

statut
Concilium
Antioch.
c. 25. epist
Innocentii
I. ad Cle-
rum Con-
stant. quæ
est in lib.
15. Nice-
phori, cap.
23. ep. Aug.
110.

qui post mortem loco suo succedat, nec ex mul-
tum * propinquis, nec ex primariis ciuitatis; sed
cum episcopus erit mortuus, tunc eligendus est a-
liquis ex sacerdotibus, aut religiosis qui habitant in
monasteriis per desertum, aut aliquis de doctrina,
& studio scripturæ notus, & cuius præstantia, &
probitas sit cunctis manifesta; quamuis sit externus,
ordinetur episcopus, si his conditionibus præditus
reperiatur; & diues si fuerit, nihil impediet quo mi-
nus sit episcopus. & hic Canon caret excommuni-
catione.

Non facit contra hunc Canonem, qui assentiente clero & po-
pulo aliquem, qui dignus sit, designat futurum successorem, ut Au-
gustinus in Eradio fecit: is enim non ab episcopo, sed potius a clero
& populo eligi dicendus est. Augustinus vero a Valerio electus fuit,
& ordinatus, vt post mortem succederet: quod idem Augustinus
contra Canonem Nicænum factum fuisse per ignorantiam dicit. sic
igitur intelligendus est hic Canon: Nullus episcopus dum viuit, alterum
eligat sine clero & populo: nec ita cum clero & populo eli-
gat, vt ordinetur episcopus, dum viuit cui successor est.

* Dixit, nec ex multum propinquis; quia esse multum propin-
quum, vt fratrem, aut filium, aut fratri vel sororis filium, multum
valde posset, vt electio huius multum propinqui, quam facit epi-
scopus viuens, a clero & populo approbaretur; similiter si ex pri-
mariis.

Quia ait beatus Iacobus; Nonne diuites per potentiam oppri-
munt vos, & ipsi trahunt vos ad iudicia? & Paulus: Qui cupiunt, in-
quit, diuites fieri, incident in desideria multa, inutilia & nocua: id
circo vt diues ordinatione episcopi dignus sit, explorare oportet, an
sit etiam, sicut Apost. diues in bonis operibus, & an facile tribuat, &
communicet. hinc Synodus Sardic. cap. 10. Si quis, inquit, diues, aut
scholasticus a foro, velit episcopus fieri, ne prius fiat quam in omni-
bus gradibus ministerium implete; vt si in singulis dignus censem-
tur, possit ad verticem dignitatis episcopi ascendere. Cum curiali-
bus coniunxit Synodus diuites.

De non ordinando simoniace.

C A P V T X L I X .

Testatur
decreatum
fuisse hoc
in Concilio

Vt nullus audeat ordinare episcopum, aut sacer-
dotem, aut diaconum pro quauis re data, siue ante

ANNO CHRISTI
325 ordinationem, siue post: & qui secus fecerit, depo-
natur; & quicumque contradixerit, Synodus eum
excommunicat.

Niceno
beatus
Greg. 16.
q. 7. c. per-
uenire.

*De episcopo uno tantum vnius ciuitatis, & uno tantum parochio vnius
ville; & de non mouendo primo, siue episcopo, siue parocho,
propter alium secundum ab aliqua parte populi petitum,
si primus vacat a manifesto crimine.*

CAPVT L.

Vt non sit nisi vnuis episcopus vnius ciuitatis, nec Can. Nic. 7.
in vna ecclesiæ villa sint duo sacerdotes; & si fuerit
magna, poterit sacerdos habere secum diaconos, &
solus sacerdos in iis quæ ad altare pertinent, præsit;
sicut solus episcopus est in ecclesia sua superior: & si
in ciuitate aut villa fuerit aliqua discordia, ita vt alii
hunc sacerdotem aut episcopum, alii alium velint,
debet tunc populus considerare hoc iuste: & si non
auditur de eo aliquod delictum manifestum, oportet
relinquere eum in loco suo: sin vero infamia ali-
cuius peccati in eo reperta fuerit, eiiciendus est, &
in locum eius alter substituendus, qui sit sine cri-
mine. Denique secundus episcopus aut sacerdos
non intret in locum primi, si primus fuerit manife-
ste probus; siquidem copulatus est cum ecclesia, si-
cuit constitutum est. quæ est etiam lex sæcularibus,
vt nemo eorum accipiat in matrimonium per vim
vxorem alterius, donec vir eius mortuus sit; dimit-
tatque eam liberam, vt abeat quo velit. Qui huic
Canoni contradixerit, Synodus eum excommu-
nicat.

Ista ipsa ratione comparationis ac similitudinis matrimonii car-
nalis cum spirituali usus est Euaristus in epist. 2. Et sicut vir, inquit,
non debet adulterare vxorem suam, ita nec episcopus ecclesiam
suam, vt dimittat illam absque ineuitabili necessitate, aut aposto-
lica vel regulari mutatione.